

孟東野集

孟東野以詩鳴于中唐之間極爲昌黎韓子所稱
重至如聯句諸作與韓公角奇爭雋不肯相下可
謂雄矣先輩且有東野潤色退之之說雖未必然
要其所成就終非韜畧所可班顧其辭意傷於晦
澀無盛唐大家雄渾醒藉之風亦器量使之然哉
提學楊按察憲菴先生以全集不多見出所抄本
屬商州梓行之維時同知于君睿奉命惟謹閱兩
月工完先生欲晟識其後嗚呼末學小子於名家
述作何敢妄贊一言然先生嘉惠後學與同知君
勤事奉公之笑不可以不白也於是乎書弘治己
未春正月望日後學汝南強晟識

孟東野詩目錄

第一卷

山南西道節度參謀試大理評事平昌孟郊

樂府上

列女操

灞上輕薄行

長安羈旅行

長安道

送遠吟

古薄命妾

古離別

古雜怨三首

靜女吟

歸信吟

山老吟

遊子吟

小隱吟

苦寒吟

猛將吟

傷哉行

古怨

湘絃怨

楚竹吟

遠愁曲

貧女詞

邊城吟

新平歌

殺氣不在邊

結愛

絃歌行

覆巢行

出門行二首

湘妃怨

巫山曲

巫山高

楚怨

塘下行

臨池曲

車遙遙

征婦怨四首

空城雀

閑怨

羽林行

古意

古別離

遊俠行

黃雀吟

有所思

求仙曲

嬋娟篇

南浦篇

清東曲

第二卷

樂府下

織婦辭

古意

折楊柳二首

塞上吟

古怨別

古別曲

樂府三首

附陸長源答

勸善吟

望夫石

寒江吟

感興上

審交

怨別

百憂

路病

衰松

遺興

退居

臥病

隱士

獨愁

春日有感

將見故人

傷時

寓言

偶作

勸學

贈農人

長安早春

罪松

感興

感懷八首

達士

暮秋感思二首

古興

勸友

夷門雪贈主人

陸長源答附

堯歌二首

第三卷

感興下

亂離

勸酒

去婦

君子勿鬱鬱二首

聞砧

遊子

自歎

求友

投所知

病客吟

感懷

離思

結交

傷春

擇友

夜憂

惜苦

寒地百姓吟

出東門

教坊歌兒

訪疾

酒德

冬日

飢雪吟

偷詩

晚雪吟

自惜

老恨

詠懷上

落第

湖州取解述情

病起言懷

詠懷

夜感自遣

秋夕貧居述懷

下第東歸

再下第

下第東南行

失意寄劉侍御

遠遊

數命

長安旅情

商州客舍

渭上思歸

長安羈旅

初於洛中選

登科後

養病呈從叔子雲

第四卷

詠懷下

懷秋十五首

靖安寄居

雪

春愁

懷惱

遊適上

遊城南韓氏莊

與支秋宵會話

夜集

招文士飲

遊城南山墅

登華嚴寺樓

遊終南山

遊龍池寺

櫻桃亭春燕

遊華山雲臺觀

宿李秀才池亭

邀花伴

石淙十首

遊韋七別業

越中山水

皇甫秀才山亭

和遊琅琊溪

第五卷

遊適下

陪陸中丞公燕

喜張從事至

汝州郡齋聽琴

同年春燕

奉招陳侍御

遊石龍瀍

浮石亭

看花五首

濟源春

濟源寒食七首

遊枋口二首

遊枋口柳溪

遊昭城寺

嵩少

旅次洛城東水亭

洛橋晚望

居處

北郭貧居

題陸鴻漸山舍

題韋承總幽居

惠聚寺僧房

題從叔述靈巖山

題花嚴寺書牕

藍溪元居士草堂

新卜青蘿幽居

附陸長源客

題藏書洞

生生亭

寒溪九首

立德新居十首

第六卷

行役

西上經靈寶觀

泛黃河

宿峽陵寄李侍御

鴉路溪行

獨宿峴首

謁復州盧使君

夢澤行

京山行

旅次湘沅懷靈均

過彭澤

過分水嶺

分水嶺別從弟寂

連州吟三章

旅行

紀贈

上河陽李大夫

投贈張端公

贈蘇州韋使君

上張徐州

上包祭酒

贈崔純亮

贈文應上人

嚴河南

贈李觀

贈從弟楚客

贈章仇將軍

贈道月上人

杼情上叔

贈城郭道士

贈李明府

獻漢南樊尚書

贈轉運陸中丞

贈萬年陸郎中

獻坐主呂侍郎

古意贈梁肅補闕

贈黔府王中丞楚

上達溪舍人

贈主人

贈建業契公

獻襄陽于大夫

贈鄭夫子魴

大隱詠三首

贈韓郎中愈二首

戲贈無本二首

第七卷

懷寄

寄張籍

憶周秀才素上人

舟中喜遇從叔簡

懷南岳隱士二首

春夜憶蕭子真

寄院中諸公

寄洛州李大夫

寄盧虔使君

寄崔純亮

憶韓愈李翱

寄張籍

寄義興小女子

憶江南弟

寄澹公

寄陝府鄧給事

奉寄諫議十六叔

寄鄭軍事

唐二

酬答

答友人

酬友人見寄新文

答韓愈李觀別

答畫上人止議作

答姚愈見寄

答郭郎中

答盧虔故園見寄

從弟楚材見贈

酬盧殷少府

酬李侍御

答盧全

奉答張舍人

送別上

送從弟鄂東歸

送從叔簡赴舉

送別崔寅亮

送柳淳先入關

送無懷道士

送溫初

送盧虔端公

送任齊二秀才

送曉公

送豆盧策歸別墅

送清遠上人

送從叔簡

送蕭鍊師

第八卷

送別下

感別送從叔簡

送玄亮師

送李尊師玄

送郭秀才

送鄭儒立少府

送從叔校書南歸

送韓愈從軍

送河南裴文學

送李習之

送人歸山

送從舅端適楚地

送盧汀侍御

送獻上人

送獨孤秀才

送崔爽之湖南

送超上人歸天台

送王鍊師

送岑秀才

送黃櫛

送道士

送孟寂赴舉

送孫秀才

饒陳羽府

送柳淳

送殷秀才

送青陽上人

送新羅使

送弟鄂

送陸錫

送淡公十二首

送魏端公入朝

送盧郎中汀

送鄭僕射

別妻家

贈姚怱別

贈盧使君虔別

與韓愈李翱張

東齋會別

汴州別韓愈

贈別殷山人

奉別鄭相公二首

第九卷

詠物

海柳詠

搖柳

曉鶴

和薔薇花歌

邀人賞薔薇

石楠樹

酬鄭毗驢謁詠

品松

答小榼味

井上枸杞架

蜘蛛諷

蚊

燭蛾

和甘露

雜題

和題項羽廟

讀張碧集

聽琴

聞夜啼贈劉正元

喜雨

終南山下作

觀種樹

春後雨

答友人贈炭

爛柯石

尋言上人

噴玉布

姑蔑城

蟬噪蟻

尋裴處士

子慶詩

憩觀公法堂

春霖奉贈陳侍御

潭陽秋霽

列仙文

右方諸青童君

清虛真人

金母飛空歌安度

謁智遠禪師

訪嵩陽道士不遇

聽說維摩經

借車

喜符郎詩有天縱

憑周況乞茶

上昭成閣

田書不立非夫人

讀經

謝李輅再到

喜盧仝船歸洛

第十卷

哀傷

弔國殇

弔比干墓

弔元魯山十首

哭李觀

弔李元賓遺字

悼湯衡評事

哀孟雲卿荒居

哭盧貞園

傷舊遊

弔房十五次卿

逢鄭方回

哭祕書包大監

悼幼子

悼亡

弔李元賓墳

覽崔爽遺文

峽哀十首

杏塲九首

弔春梅

弔李丹員外

哭劉吉史

弔唐殷十首

聯句

有所思聯句

遺興聯句

贈劍客李國聯句

讚

讚維摩詰

書

上常州盧使君書

又上養生書

孟東野詩集目錄

孟東野詩集卷第一

山南西道節度參謀試大理評事平昌孟郊

樂府上

列女操

梧桐相待老鸞鴛會雙死貞婦貴徇夫捨生亦如此
波瀾誓不起妾心井中水

灞上輕薄行

長安無緩步況值天景暮相逢灞橋間親戚不相顧
自嘆方拙身忽隨輕薄倫常恐失所避化為車轍塵
此中生白髮疾走亦未歇一作不得歇

長安羈旅行

十日一理髮每梳飛旅塵三旬九過飲每食唯舊食
萬物皆及時獨余不覺春失名誰肯訪得意爭相親
直木有恬翼靜流無躁鱗始知喧競場莫處君子身
野策藤竹輕山蔬薇蕨新潛歌歸去來事外風景真

長安道

胡風激秦樹賤子風中泣家家朱門開得見不可入
長安十二衢投樹鳥亦急高閣何人家笙篳正喧吸

送遠吟

阿水昏復晨河邊相送頻離盃有淚飲別柳無枝春
一笑忽然成萬愁俄已新東渡與西日不惜遠行人

古薄命妾

不惜十指紋爲君千萬彈常恐新聲至坐使一作使故
聲一作殘棄置今日悲即是昨日歡將新變故易持

故爲新難青山有靡蕪淚葉長不乾空令後代人採

撥幽思一作思

古離別

松山雲縹緲萍路水分離雲去有歸日水分無合時

春芳役雙眼春色柔四支楊柳織別愁千條萬條絲

古樂府雜怨 三首

憶人莫至悲至悲空自衰寄人莫翦衣翦衣未必歸
朝爲雙燕花暮爲四散飛花落却遶樹遊子不顧期
天桃花清晨遊女紅粉新天桃花薄暮遊女紅粉故
樹有百年花人無一定顏花送人老盡人悲花自閑
貧女鏡不照寒花日少容暗蛩有虛織短線無長縫
淚水不可照狂夫不可從淚水多散影狂夫多異蹤
持此一生薄空成萬一作恨濃

靜女吟

艷女皆妬色靜女獨檢睨任禮恥任粧嫁德不嫁容
君子易求聘小人難自從此志誰與諒琴絃幽韻重

歸信吟

淚墨洒爲書將寄萬里親書去魂亦去兀然空一身

山老吟

不行山下地唯種山上田腰斧斫旋松手驅汲家泉
詎知文字力莫記日月遷蟠木爲我身始得全天年

遊子吟

慈母手中線遊子身上衣臨行密密縫意恐遲遲歸
誰言寸草心報得三春暉

小隱吟

我飲不在醉我歡長寂然酌溪四五盞聽彈兩三絃
鍊性靜棲白洗情深寄玄一作寒號怒路傍子貪敗不
貪全

苦寒吟

天色寒青蒼北風叫枯桑厚冰無裂文短日有冷光
敲石不得火壯陰正奪陽調苦竟何言凍吟成此章

狂將吟

擬贈樓蘭肉一作蓄怒時未揚秋聲無退聲夜劍不
隱光虎隊手驅出約篇心卷藏古今皆有言猛將出
北方

傷哉行

衆毒蔓貞松一枝難久榮豈知黃庭客仙骨生不成
春色拾芳蕙秋風遶枯莖彈琴不成曲始覺知音傾
館月改舊照吊賓寫餘情還舟空江上波浪送銘旌

古怨

試妾與君淚兩處滴池水看取芙蓉花今年爲誰死

湘絃怨

味者理芳草蒿蘭同一鋤一作聽怨一作秋林曲
直同一枯嘉木忌深蠹哲人悲巧誣靈均入迴流斬
尚爲良謨我願分衆泉清濁各異渠我願分衆衆泉
鸞相遠居此志諒難保此情竟何如湘絃少知意孤
響空踟躕

楚竹吟酬盧虔端公見和湘絃怨

握中有新聲楚竹人未聞識音者謂誰清一作夜吹
贈君昔爲瀟湘引曾動瀟湘雲一叫鳳改聽再驚鶴
失一作羣江花匪秋落山日當晝曛衆濁響離沓孤
清思氛氲欲知怨有一作形願向明月分一掬靈均
淚千年湘水文

遠愁曲

飄飄何所從遠行未逢東西不見人哭一作向青
青松此地有時盡此哀無處容聲纔太白雲淚洗藍
田峯水涉七八曲山石一作登千萬重願玄夜月一作
出視白日蹤

貧女詞寄從叔先輩簡

貧一作女非不勤今年獨無春二月冰雪深死盡萬

木身時令自逆行造化豈不仁仰企碧雲仙高控滄
海雲永別勞苦揚飄飄遊無垠

邊城吟

西城近日水一作天俗裏氣候偏行子獨自渴人仍
賣泉燒烽碧雲外牧馬青坡嶺何處鶻突夢歸思寄
仰一作酒酒

新平歌送許問

邊柳三四尺暮春一作寒離別歌早迴儒士駕暮飲土
番河誰識臣一作中寶楚雲章句多

殺氣不在邊

殺氣不在邊凜然中國秋道險不在山平地有摧轆
河南又起兵清濁俱鎖流豈唯私客艱擁滯官行舟
沉余隔晨昏去家成阻脩忽然雨霽雪固是一日愁
獨寢夜難曉起視星漢浮涼風蕩天地日夕聲颼颼
萬物無少色北人皆老憂長策苟未立丈夫誠可羞
靈響復何事劍鳴思戮讎

結愛

心心復心心結愛務在深一度欲離一作別千迴結
衣襟結妾獨守志結君早歸意始知結衣裳不如結
心腸坐結行亦結結盡百年月

絃歌行

驅離擊鼓吹長笛瘦鬼染面惟齒白暗中牽牽拽茅
鞭保足朱禪行戚戚相顧聲衝庭燎桃孤射矢時
獨叫

覆巢行

荒城古木枝多枯飛禽噉噉朝哺雛枝傾巢覆難墜
地鳥高下啄更相呼陽和發生均孕育鳥獸有情知
不足枝危巢小風雨多未容長成已先覆靈枝珍木

繡上林鳳巢阿閣重且深爾今所託非本地烏焉何
得同一作爾心

出門行 二首

長河悠悠去無極百齡同此可歎息秋風白露沾人
衣壯心凋落奪顏色少年出門將訴誰川無梁兮路
無岐一聞陌上苦寒奏使我佇立驚且悲君今得意
厭梁肉豈復念我貧賤時

海風蕭蕭天雨霜窮愁獨坐夜何長驅車舊憶太行
險始知遊子悲故鄉笑人相思隔天關長望雲端不
可越手持瓊玕欲有贈愛而不見心斷絕南山峨峨
白石爛碧海之波浩漫漫參辰出沒不相待我欲橫
天無羽翰

湘妃怨

作湘靈祠

南巡竟不返二妃怨一作逾積萬里喪蛾眉瀟湘水
空碧冥冥荒山下古廟收貞魄喬木深青春清光滿
一作瑤席寧芳徒有薦靈意殊脈脈玉珮不可親排
徊煙波夕

巫山曲

巴江上峽重復重陽臺碧嶂十二峯荆王獵時逢暮
雨夜臥高丘夢神女輕紅流煙濕艷姿行雲飛去明
星稀目極魂斷望不見猿啼三聲淚滴衣

巫山高

見盡數萬里不聞三聲猿但飛蕭蕭雨中有亭亭魂
千載楚襄恨遺文宋玉言至今晴明天一作雲結
深閨門

楚怨

秋入楚江水獨照汨羅魂手把綠荷泣意愁珠淚翻
九門不可入一犬吠千門

塘下行

塘邊日欲斜年少早還家徒將白羽扇調妾木蘭花
不是城頭樹那樓來去鴉

臨池曲

池中春蒲葉如帶紫菱成角蓮子大羅裙蟬鬢寄迎
風雙雙伯勞飛向東

車遙遙

路喜到江盡江上又通舟舟車兩無阻何處不得遊
丈夫四方志女子安下留郎自別日言無令生遠愁
旅鴈忽叫月斷猿寒啼秋此夕夢君夢君在百城樓
寄淚無因波寄恨無因騎願爲馭者手與郎迴馬頭

征婦怨 四首

良人昨日去明月又不圓別時各有淚零落青樓前
君淚濡羅巾妾淚滿路塵羅巾長在手今得隨妾身
路塵如得風得上君車輪

漁陽千里道近如中門限中門踰有時漁陽長在眼
生在綠絲一作羅下不識漁陽道良人自戍來夜夜夢
中到

空城雀

一雀入官倉所食寧損幾祇慮往覆頻官倉終害爾
魚網不在天烏羅不張水飲啄要自然可以空城裏

閑怨

妾恨比班竹下盤煩冤根有筍未出土中已含淚痕
羽林行

朔雪寒斷指朔風勁裂冰胡中射鵰者此日猶不能
翻翻羽林兒錦臂飛蒼鷹揮鞭快白馬走出黃河凌

古意

河邊織女星河畔牽牛郎未得渡清淺相對遙相望

孟東野詩集 卷一

古別離

欲別牽郎衣郎今到何處不恨歸來遲莫向臨邛去

遊俠行

壯士性剛決火中見石裂殺人迴頭輕生如覆別
豈知眼有淚肯白頭上髮平生無恩酬劍閑一百月

黃雀吟

黃雀舞承塵倚恃主人仁主人忽不仁買彈彈爾身
何不遠飛去蓬蒿正繁新蒿粒無人爭食之足爲珍
莫覩輶車粟覩輶罪有因黃雀不知言贈之徒慙慙
有所思

枯樸烽火晝不滅客路迢迢信難越古鎮刀攢萬片
霜寒江浪起千堆雪此時西去定如何空使南心遠
凄切

求仙曲

仙教生爲門仙宗靜爲根持心若妄求服食安足論
鍊惑有靈藥餌真成本源自當出塵網馭鳳登崑崙

嬋娟篇

花嬋娟泛春泉竹嬋娟籠曉烟妓嬋娟不長妍月嬋
娟真可憐夜半姮娥朝太一人閒本自無靈匹漢宮
承寵不多時飛燕婕妤相妬嫉

南浦篇

南浦桃花亞水紅水邊柳絮由春風鳥鳴嚙嚙煙濛
濛自從遠送對悲翁此翁已與少年別唯憶深山深
谷中

清東曲

櫻桃花參差香雨紅霏霏口笑競攀折美人濕羅衣
采采清東曲明眸艷珪玉青巾纏上郎上下看不足
南陽公首詞編入新樂錄

孟東野詩集卷第二

山南西道節度參謀試大理評事平昌孟郊

樂府下

織女辭

夫是田中郎妾是田中女當年嫁得君爲君秉機杼
筋力日已疲不息窗下機如何織紵素自着藍縷衣
官家勝村路更索栽桑樹

古意

蕩子守邊戍佳人莫相從去來年月多苦愁改形容
上山復下山踏草成古蹤徒言採靡蕪十度不一逢
鑒獨是明月識志唯寒松井桃始開花一見悲萬重
人顏不再春桃色有再濃指氣入空房無慘乍從容
啓貼理針線非獨學裁縫手持未染絲繡爲白芙蓉
芙蓉無染汚將以表心素欲寄未歸人當春無信去
無信反增愁愁心緣隴頭願君如隴水冰鏡□□□
宛宛青絲紀纖纖白玉鈎玉鈎不虧缺青絲無斷絕
迴還勝雙手解盡心中結

折楊柳二首

楊柳多短枝短枝多別離贈遠累攀折柔條安得垂
青春有定節離別無定時但恐人別促不怨來遲遲
莫言短枝條中有長相思朱顏與綠楊併在別離期
樓上春風過風前楊柳歌枝疎綠條別苦曲怨爲年多
花驚燕地雲葉映楚池波誰堪別離此征戍在交河

和丁助教塞上吟

哭雪復吟雪廣文丁夫子江南萬里寒曾未及如此
整頓氣候誰言從生靈始無令惻隱者哀哀不能已

古怨別

颯颯秋風生愁人怨離別含情兩相向欲語氣先咽

孟東野詩集 卷二

心曲千萬端悲來却難說別後唯所思天涯共明月

古別曲

山川古今路縱橫無斷絕來往天地間人皆有離別
行衣未束帶中腸已先結不用看鏡中自知生白髮
欲陳去留意聲向言前咽愁結填心胸茫茫若爲說
荒郊煙莽蒼曠野風淒切處處得相隨人那不如月
樂府戲贈陸大夫十二丈三首

蓮子不可得荷花生水中猶勝道傍柳無事一作蕩
春風

綠萍與荷葉同此一水中風吹荷葉在綠萍西復東
蓮葉未開時苦心終日卷春水一作徒蕩漾荷花未
開展

戲答

陸長源

芙蓉初出水菡萏露中花風吹着枯木無奈值空槎
瘦郭有志氣相哀老龍鍾勸我少吟詩俗窄難爾容
一口百味別況在醉會中四座正當喧片言何由通
顧余昧時調居止多疎慵見書眼始開聞樂耳不聰
視聽互相隔一身且莫同天疾難自醫詩僻將何攻
見君如見書語善千萬重自悲咄咄感變作煩惱翁
煩惱不可欺一作不可古劍還亦雄知君方少年少
年懷古風藏書柱屋香不借與凡輩我願拜少年師
之學崇崇從他笑爲矯矯善亦可宗

望夫石

望夫石夫不來今江水碧行人悠悠朝與暮千年萬
年色如故

寒江吟

冬至日光白始知陰氣凝寒江波浪凍一作千里無

平冰飛鳥絕高羽一作行人皆晏興荻洲素浩渺
岸斷磴礧烟舟忽自阻風帆不相乘何況異形體
信任爲股肱涉江莫涉凌得意須得朋結交非賢良誰
免生愛憎凍水有再漲失飛有載騰一言縱醜詞萬
響無善應取鑒諒不遠江水千萬層何當春風吹利
涉吾道弘

感興上

審友

種樹須擇地惡土變木根結交若失人中道生謗言
君子芳桂性春榮冬更繁一作春榮冬更繁小人槿花心朝
在夕不存莫躡冬冰堅中有潛浪翻唯當金石交可
以賢達論

怨別

一別一迴老志士白髮早在富易爲容居貧難自好
沉憂損性靈服藥亦枯槁秋風遊子衣落日行遠道
君問去何之賤身難一作事自保

百憂

萱草女兒花不解壯士憂壯士心是劍爲君射斗牛
朝思除國讎一作暮思除國讎計盡山河畫意窮草
木籌智士日千慮愚夫唯四愁何必在波濤然後驚
一作生沉浮伯倫心不醉四皓迹難留出處各有時衆
議徒啾啾

路病

病客無主人艱哉求臥難飛光赤道路內火焦肺肝
欲飲井泉竭欲醫囊用單稚顏能幾日壯志忽已殘
人子不言苦歸書但二云言一作安愁環在我腸宛轉終
無端

衰松

近世交道衰青松落顏色人心忌孤直木性隨改易
既摧栖日餘未展擎天力終是君子材還思君子識

遺興

絃貞五條音一作音詞松直百尺心貞絃舍古風直松
凌高岑浮聲與狂葩胡爲欲相侵

退居

一作退老

臥病

貧病誠可羞故床無新裘一作貧病對客春色燒肌
膚時發苦咽喉倦寢意蒙昧強言聲幽柔承顏自倦
仰有淚不敢流默默寸心中朝愁續暮愁

隱士

本末一相返漂浮不還真山野多餒士市井無飢人
虎豹忌當道麋鹿知藏身奈何貪競者日與患害親
顏兒歲歲改利心朝朝新孰知富生禍取富不取貧
寶玉忌出璞出璞先爲塵松柏忌出山出山先爲薪
君子隱石壁道書爲我鄰寢興思其義澹泊味始真
陶公自放歸尚平去有依草木擇地生禽鳥順性飛
青青與冥冥所保各不違

獨愁

一作獨怨

前日遠別離昨日生白髮欲知萬里情曉臥半床月
常恐百疊鳴使我芳草歇

春日有感

雨滴草芽出一日長一日風吹柳線垂一枝連一枝
獨有愁人顏經春如等閑且持酒滿盃狂歌狂笑來
將見故人

佳人季夏中及此百餘日無日不相思明鏡改形質

寧知仲冬時忽有相逢期振衣起躑躅顛顛躍天池

傷時

常聞貧賤士之常草木富者莫相笑男兒得路即榮名
名邇近失途成不調古人結交而重義今人結交而重利
勸人一種種桃李種亦直須遍天地一生不愛囑人事囑
即直須爲生死我亦不羨季倫富我亦不笑原憲貧有財
有勢即相識無財無勢同路人因知世事皆一作如此却向東溪臥白雲

寓言

誰言碧山曲不廢青松直誰言濁水泥不汚明月色
我有松月心俗騁風霜力貞明既如此摧折安可得

偶作

利劍不可近美人不可親利劍近傷手美人近傷身
道險不在廣十步能摧輪情憂不在多一夕能傷神

勸學

擊石乃有火不擊元無煙人學始知道不學非自然
萬事須己運他得非我賢青春須早爲豈能長少年

贈農人

勸爾勤耕田盈爾倉中粟勸爾伐桑株減爾身上服
清霜一委地萬草色不綠狂飈一入林萬葉不着木
青春如不耕何以自結束

長安早春

旭日朱樓光東風不驚塵公子醉未起笑人爭探春
探春不爲桑探春不爲麥日日出西園祇望花柳色
乃知田家春不入五侯宅

罪松

雖爲青松姿霜風何所宜二月天下樹綠於青松枝
勿謂賢者喻勿謂愚者規伊呂代封爵夷齊終身飢

彼曲旣在斯我正實在茲涇流合渭流清濁各自持
天令旣四時榮衰有常期榮合隨時榮衰合隨時衰
天令旣不從甚不敬天時松乃不臣木青青獨何爲

感興

拔心草不死去根柳亦榮獨有失意人恍然無力行
昔爲連理枝今爲斷絃聲連理時所重斷絃今所輕
吾欲進孤舟三峽水不平吾欲載車馬太行路崢嶸
萬物根一氣如何互相傾

感懷八首

秋氣悲萬物驚風振長道登高有所思寒雨傷百草
平生有親愛零落不相保五情今已傷安得自能老
晨登洛陽坂目極天茫茫羣物歸大化六龍頽西荒
豺狼日已多草木日已霜飢年無遺粟衆鳥去空場
路傍誰家子白首離故鄉含酸望松柏仰面訴穹蒼
去去勿復道苦飢形兒傷

徘徊不能寐耿耿含酸辛中夜登高樓憶我舊星辰
四時互遷移萬物何時春唯憶首陽路永謝當時人
長安嘉麗地宮月生蛾眉陰氣凝萬里坐看芳草衰
玉堂有玄鳥亦以從此辭傷哉志士嘆故國多遲遲
深宮豈無樂擾擾復何爲朝見名與利暮還生是非
一作是姜牙佐周武世業永巍巍

舉才天道親首陽誰採薇去去荒澤遠落日當西歸
羲和駐其輪四海借餘暉極目何蕭索驚風正離披
鴟鴞鳴高樹衆鳥相因依東方有一士歲暮常苦飢
主人數相問脈脈今何爲貧賤亦有樂且願掩一作柴扉

火雲流素月三五何明明光曜侵白日賢愚迷至精
四時更變化天道有虧盈常恐今日沒須更還復生